



ZIATKO MILETIĆ  
*Dom naroda Parlamentarne skupštine BiH*  
*Klub izaslanika hrvatskog naroda*

Sarajevo, 29.08.2023. godine

**MINISTARSTVO VANJSKIH POSLOVA BIH**  
**n/r Ministar g. Elmedin KONAKOVIĆ**

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 29-08-2023

Organizaciona jedinica	Klasifikaciona oznaka	Redni broj	Broj priloga
02-50-6		1876	23

95

Na osnovu člana/članka 154. i 155. Poslovnika o radu Doma naroda Parlamentarne skupštine Bosne i Hercegovine ( „Službeni glasnik BiH“, br.58/14, 88/15 i 96/15 ) postavljam slijedeće

**IZASLANIČKO PITANJE**  
**(Status komande EUFOR - ALTEA)**

Angažman misije EUFOR-a u Bosni i Hercegovini počeo je krajem 2004.g. na način da je Vijeće Evrope svojom Odlukom zamijenilo snage NATO-SFOR-a u BiH, kao jedan od garanata sigurnosti u provedbi Općeg okvirnog sporazuma za mir u BiH.

Od tada, do danas komandnu odgovornost za rukovođenje snagama EUFOR – Althea, imale su Velika Britanija, Italija, Španija i Njemačka. Nakon toga Austrija, koja je od 2009. godine imala komandnu odgovornost nad misijom EUFOR-a, te je 11 general-majora bilo iz te države, koji su rukovodili misijom do danas.

Imajući u vidu činjenicu da se u javnosti pojavile informacije da snagama EUFORA – Althea, trebaju rukovoditi u bliskoj budućnosti predstavnici Mađarske (zapovjednik Sticz koga smatraju izuzetno profesionalnim), postavljam pitanje ministru MVP BIH, da provjeri tačnost navedene informacije u Vijeću Evrope – Komitetu za politiku i sigurnost (PCS) odnosno EU Vojnom komitetu, koji su nadležni za provedbu navedenih operacija, da li su ove informacije tačne i na osnovu kojih kriterija je donesena navedena odluka, da pored toliko zemalja članica EU, misijom rukovode predstavnici Mađarske administracije, te da javnost obavijeste o navedenom.

Razlog za ovakvu reakciju obrazlažem ponašanjem predstavnika najviših državnih organa Mađarske, prije svega Premijera g.Orbana kao i Ministra vanjskih poslova Mađarske g.Sijarto, koji su u nekoliko navrata javno iznosili zvanične stavove, koji su u suprotnosti sa vanjsko-političkim ciljevima i stavovima EU u općem smislu, ali i po pitanju sagledavanja i rješavanja krize u BiH, što stvara izvjesnu dozu nepovjerenja u kontekstu provedbe same misije. Ako se uz to dodaju izjave, koje imaju u najmanju ruku odlike desničarskog populizma sa tendencijom podrške secesionizmu pojedinih politika u BiH, izjave koje su u svom sadržaju čisto diskriminirajuće pa i neofašističke, koje

su samim tim u suprotnosti sa osnovnim vrijednostima i tekovinama posebno ljudskih prava u EU, sasvim je dovoljan broj razloga za zabrinutost.

S obzirom na dosadašnja iskustva, da su Međunarodne mirovne snage u ovom slučaju EUFOR-Althea, bez obzira na strukturu, uvijek podložne određenim političkim uticajima iz zemlje iz koje dolaze, smatram neohodno potrebnim, da se građanima BiH da obrazloženje nadležnih organa Vijeće Evrope, ove vrste, jer sve navedeno, ako je donosena navedena odluka, zahtjeva i garanciju (sagledavanje i preispitivanje) mogućnosti efikasne reakcije od oko 1.200 pripadnika u eventualno narušenoj sigurnosnoj situaciji u BiH, imajući u vidu izjavu zapovjednika g.Kugelweis "Ukupna situacija je u osnovi stabilna i sigurna, ali još uvijek krhka". Ovo prije svega navodim iz razloga negativnih iskustava sa Misijom UN u BIH i zaštićenim zonama u BiH, u periodu 92 do 95 godina o čijoj (ne)uspješnosti postoje zvanične informacije UN.

O nesagledavanju historijskog konteksta kod donošenja ovakvih odluka, događajima iz perioda početka 20 stoljeća (npr.28.06.1914.g.) i agresorskoj ulozi pojedinih režima na području Bosne i Hercegovine, drugom prilikom.

Zamolio bih ministra za odgovor u pismenoj formi.

S poštovanjem



ZLATKO MILETIĆ